

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

MIŠLJENJE

po zahtjevu privrednog subjekta Swisslion Group d.o.o. Novi Sad

Sarajevo
septembar, 2016.godine



Broj: 01-26-7-15-4-I/16
Sarajevo, 14.09.2016. godine

Na osnovu člana 25. stav (1) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za mišljenje privrednog subjekta Swisslion Group d.o.o. Novi Sad, Republika Srbija, Konkurencijsko vijeće Bosne i Hercegovine na 132. (stotinutridesetdrugoj) sjednici održanoj dana 14.09.2016. godine, donijelo je

MIŠLJENJE

Privredni subjekt Swisslion Group d.o.o. Novi Sad, Republika Srbija, (u daljem tekstu: Swisslion Group ili Podnosilac zahtjeva), putem advokata Ezmane Turković, Mehmeda Spahe 26, 71 000 Sarajevo, podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja o postojanju obaveze podnošenja prijave koncentracije (u daljem tekstu: Zahtjev), zaprimljen dana 23.06.2016. godine pod brojem: 01-26-7-15-I/16.

Podnosilac zahtjeva navodi da privredni subjekt Banat 1894 d.o.o. Vršac, Stepe Stepanovića 6, Vršac, Republika Srbija, koji je u vlasništvu Swisslion Group, je dana 23.06.2016. godine zaključio ugovor o kupovini Radne jednice Vršac koju čine dvije fabrike za proizvodnju čokolade i prava intelektualne svojine - registrovane žigove kojima se obilježavaju proizvodi na bazi čokolade, kao i know how za proizvodnju tih proizvoda na bazi čokolade, sa privrednim subjektom Koncern za proizvodnju i promet konditorskih proizvoda Bambi a.d. Požarevac, Đure Đakovića bb, Požarevac, Republika Srbija (u daljem tekstu: Bambi)

U Zahtjeva se navodi da učesnici predmetne koncentracije posluju na relevantnom tržištu proizvodnje čokolade i proizvoda od čokolade u Bosni i Hercegovini i da su na tržištu Bosne i Hercegovine kao i na svjetskom tržištu u 2015. godine. ostvarili slijedeći prihod:

Ukupni prihod (KM)	Swisslion Group	Bambi
Bosna i Hercegovina	4.967.327.	12.668.312.
Svijet	384.119.008.	141.195.200.

Nadalje u Zahtjevu se navodi da Swisslion Group na relevantnom tržištu proizvodnje čokolade i proizvoda od čokolade u Bosni i Hercegovini nema više od 5% tržišnog udjela, a da za privredni subjekt Bambi nemaju podatak, ali na osnovu njihove slobodne procjene tržišni udjel na relevantnom tržištu proizvodnje čokolade i proizvoda od čokolade u Bosni i Hercegovini je manji od 5%.

Podnosilac zahtjeva, u skladu sa navedenim, traži mišljenje od Konkurencijskog vijeća u vezi postojanja obaveze podnošenja prijave koncentracije.

S tim u vezi, Konkurencijsko vijeće navodi da je članom 12. stav (1) Zakona o konkurenciji propisano šta se smatra koncentracijom i to:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili

- 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Članom 14. stav (1) Zakona o konkurenciji propisano je da su učesnici namjeravanu koncentraciju obavezni prijaviti kada su ispunjeni slijedeći uvjeti:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihov zajednički tržišni udio veći od 40%.

Članom 2. Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10) je propisano da su namjeravanu koncentraciju iz člana 12. Zakona o konkurenciji, učesnici koncentracije obavezni prijaviti i to:

- a) Privredni subjekti sa sjedištem i prebivalištem u inostranstvu ukoliko su ispunjeni uvjeti iz člana 14. stav (1) tačke a) i b) Zakona o konkurenciji, i
- b) Privredni subjekti sa sjedištem i prebivalištem u Bosni i Hercegovini ukoliko su ispunjeni uvjeti iz člana 14. stav (1) tačka b) Zakona o konkurenciji.

Podnosilac zahtjeva je dužan prijaviti koncentraciju ukoliko ista ispunjava uvjete definisane u članu 12. Zakona o konkurenciji, i ako učesnici koncentracije ispunjavaju uvjete iz člana 14. stav (1) tačke a) i b) istog Zakona.

Konkurencijsko vijeće je primjenom navedenih odredbi, a na osnovu podataka koji su dati od strane Podnosioca zahtjeva, utvrdio da nisu ispunjeni uvjeti iz člana 14. stav (1) tačke a) i b) Zakona o konkurenciji, odnosno da ne postoji obaveza prijave koncentracije.

Ovo mišljenje je dato isključivo na osnovu podataka iz Zahtjeva, te ukoliko dati podaci odstupaju od stvarnog činjeničnog stanja ovo mišljenje se ne može primjenjivati.

Predsjednica

mr. Arijana Regoda-Dražić

Dostavljeno:

- **Swisslion Group, putem advokata Ezmane Turković**
- **U spis**
- **a/a**